

Na osnovu Programa utroška finansijskih sredstava sa razdjela 11 – Ured premijera, budžetska organizacija 01, potrošačka jedinica 0001, Budžeta Zeničko-dobojskog kantona za 2021. godinu broj: 02-11-8906/21, od 22.06.2021. godine, Uputstva o kriterijima i postupku dodjele sredstava neprofitnim organizacijama sa pozicije Ured premijera Zeničko-dobojskog kantona za 2021. godinu broj: 02-02-9616/21, od 07.07.2021. godine i Uputstva o kriterijima i postupku dodjele sredstava medijima sa pozicije Ured premijera Zeničko-dobojskog kantona za 2021. godinu broj: 02-02-9617/21, od 07.07.2021. godine, Ured premijera Zeničko-dobojskog kantona, r a s p i s u j e:

JAVNI POZIV ZA DODJELU SREDSTAVA

iz Programa utroška finansijskih sredstava sa razdjela 11 – Ured premijera, budžetska organizacija 01, potrošačka jedinica 0001, Budžeta Zeničko-dobojskog kantona za 2021. godinu, pozicija „Tekući transferi i drugi tekući rashodi“

I. PREDMET JAVNOG POZIVA

Predmet javnog poziva je prikupljanje prijava za programe/projekte za raspodjelu sredstava koja će se odnositi na sljedeće programske/projektne aktivnosti:

LOT 1 - Finansiranje okruglih stolova i tribina, kulturnih, naučnih i vjerskih manifestacija

- Budžet: 20.000,00 KM

Ovaj Lot podrazumijeva sufinansiranje/finansiranje projekata koji se odnose na:

- projekte i manifestacije koji su podržavani od strane Vlade Zeničko-dobojskog kantona i na taj način postali tradicionalni i prepoznatljivi za užu i širu društvenu zajednicu;
- kandidirane projekte/programe kojima se daje doprinos jačanju nacionalne, međunacionalne i vjerske tolerancije.

Jedan aplikant može kandidovati jedan programski projekat.

Minimalni iznos koji se može odobriti po projektu iznosi **500 KM** a maksimalni iznosi **5.000 KM**.

LOT 2 - Finansiranje ili sufinansiranje sportskih manifestacija i projekata od značaja za Kanton ili Bosnu i Hercegovinu

- Budžet: 30.000,00 KM

Ovaj Lot podrazumijeva sufinansiranje/finansiranje projekata koji se odnose na:

- pružanje materijalne podrške projektima i manifestacijama čije finansiranje nije predviđeno u okviru drugih programa, a značajni su za građane, institucije i organe Zeničko-dobojskog kantona;
- pružanje podrške projektima organizacija u oblasti kulture, sporta, nauke, umjetnosti, zdravstva, socijalne skrbi, penzionera;
- doprinos uspješnom prezentiranju i afirmaciji Zeničko-dobojskog kantona, Federacije Bosne i Hercegovine i Bosne i Hercegovine u okruženju i svijetu.

Jedan aplikant može kandidovati jedan programski projekat.

Minimalni iznos koji se može odobriti po projektu iznosi **500 KM** a maksimalni iznosi **5.000 KM**.

LOT 3 - Finansiranje programskih projekata kojima se doprinosi kvalitetnijoj prezentaciji i informisanju građana o radu i aktivnostima Skupštine Zeničko-dobojskog kantona, Vlade Zeničko-dobojskog kantona i kantonalnih organa uprave i upravnih organizacija

- Budžet: 80.000,00 KM za neprofitne organizacije
- Budžet: 110.000,00 KM za privatna preduzeća i poduzetnike

Ovaj Lot podrazumijeva sufinansiranje/finansiranje projekata sa ciljem osiguravanja boljih uvjeta rada medija čime će biti postignuta kvalitetnija prezentacija i informisanje građana o radu i aktivnostima Skupštine Zeničko-dobojskog kantona, Vlade Zeničko-dobojskog kantona i kantonalnih organa uprave i upravnih organizacija. Jedan aplikant može kandidovati jedan programski projekat u okviru iste oblasti ali više različitih projekata u okviru različitih medijskih platformi a sredstva će biti dodjeljena u skladu sa utvrđenim kriterijima.

II. USLOVI KOJE PODNOSITELJI PRIJAVE MORAJU ISPUNJAVATI

Pravna lica kojima se dodjeljuju finansijska sredstva (u daljem tekstu: Korisnici) moraju ispunjavati sljedeće opšte kriterije (koji su primjenljivi za predloženi projekat) za LOT 1 i LOT 2:

- imaju sjedište ili provode aktivnost na području Zeničko-dobojskog kantona;
- kvalitet kandidiranih projekata/programa produkcije, prezentacije i afirmacije kulturnog i umjetničkog stvaralaštva;
- kontinuiranost projekta i njegova tradicijska osnova (projektne aktivnosti koje imaju dugoročni učinak i održivost);
- regionalna i nacionalna zastupljenost;
- visina procenata ulaganja u program/projekat od strane drugih nivoa vlasti, inozemnih ili domaćih partnera u kreiranju i realiziranju programa/projekata te sačinjeni predugovori;
- do sada dodijeljene nagrade i priznanja na domaćem i međunarodnom planu;
- značaj koji projekti i programi imaju u pogledu predstavljanja Zeničko-dobojskog kantona, Federacije Bosne i Hercegovine i same Bosne i Hercegovine kao eminentne kulturne sredine;
- da se podnosilac prijave obavezuje osigurati uslove da je program ili projekt osmišljen na način da je moguće kontrolisati i nadzirati provođenje aktivnosti i gdje je primjenljivo potrošnju odobrenih finansijskih sredstava;
- da podnosilac prijave posjeduje urednu registraciju i račun kod poslovne banke;

kao i posebne kriterije (koji su primjenljivi za predloženi projekat):

- da projekti obilježavaju značajne datume vezane za državnost Bosne i Hercegovine imaju za cilj očuvanje i njegovanje tradicija oslobodilačkog rata, da su postali tradicionalni, te da uživaju ugled i interes kod javnosti kroz organizovanje akademija, marševa, posjeta istorijskim mjestima, organizaciju susreta i sportskih (memorijalnih) turnira;
- da su sportske manifestacije od posebnog interesa za Kanton, Federaciju Bosne i Hercegovine i samu Bosnu i Hercegovinu, i da kroz kontinuitet održavanja (tradicionalnost) sportskih manifestacija doprinose popularizaciji i podizanju kvaliteta i razvoja sport;
- da projekti koji prezentiraju i promoviraju kulturu i umjetnost posjeduju kvalitet projekata i programa produkcije, prezentacije i afirmacije kulturnog i umjetničkog stvaralaštva sa ciljem podizanju općeg kulturnog nivoa građana;
- da su organizacije najmanje tri mjeseca od dana apliciranja za sredstva upisane u Registar neprofitnih organizacija;
- da imaju izmirene zakonske obaveze po osnovu poreza i doprinosa sa danom raspisivanja javnog poziva;
- da se protiv podnosioca prijave, odnosno lica ovlaštenih za zastupanje, ne vodi krivični postupak i nije pravosnažno osuđen za prekršaj i/ili počinjenje krivičnog djela;
- da je korisnik dostavio uredne izvještaje o utrošku sredstava iz ranijeg perioda.

Korisnici kojima se dodjeljuju finansijska sredstva za LOT 3 su mediji koji proizvode i distribuiraju program putem različitih tehnoloških platformi – štampe, radija, televizije i interneta, a koji ispunjavaju sljedeće opšte kriterije:

- imaju sjedište ili provode aktivnost na području Zeničko-dobojskog kantona;
- da se podnosilac prijave obavezuje osigurati uslove da je program ili projekt osmišljen na način da je moguće vršiti monitoring;
- da podnosilac prijave posjeduje urednu registraciju i račun kod poslovne banke;

kao i posebne kriterije:

- da su organizacije najmanje tri mjeseca od dana apliciranja za sredstva upisane u Registar neprofitnih organizacija (za transfere neprofitnim organizacijama);
- da posjeduju dozvolu za rad Regulatorne agencije za komunikacije BiH za zemaljsko emitovanje (elektronski mediji);
- veličina područja u Zeničko-dobojskom kantonu koje medij pokriva u skladu sa dozvolom Regulatorne agencije za komunikacije BiH, odnosno prostor na kome se distribuira (printani mediji);
- da raspolažu tehničkim, organizacionim i kadrovskim potencijalima za pružanje medijskih usluga;
- da imaju izmirene zakonske obaveze po osnovu poreza i doprinosa zaključno sa danom objavljivanja Javnog poziva;
- da se protiv podnosioca prijave, odnosno lica ovlaštenih za zastupanje, ne vodi krivični postupak i nije pravosnažno osuđen za prekršaj i/ili počinjenje krivičnog djela;
- da je korisnik dostavio uredne izvještaje o utrošku sredstava iz ranijeg perioda;
- nepristrasno, objektivno, istinito i argumentovano objavljuje informacije;
- medij služi javnom interesu i doprinosi slobodnom javnom mišljenju;
- poštuje ljudsko dostojanstvo i fundamentalna prava drugih;
- da apliciraju sa projektima kojima se redovno prati rad i aktivnost Skupštine, Vlade, kantonalnih organa uprave i upravnih organizacija Zeničko-dobojskog kantona.

III. PRAVO UČEŠĆA

Pravo učešća u javnom pozivu imaju neprofitne organizacije, privatna preduzeća i poduzetnici kako slijedi:

LOT 1: Neprofitne organizacije

LOT 2: Neprofitne organizacije (privatna preduzeća i poduzetnici isključivo kao tradicionalni organizatori)

LOT 3: Neprofitne organizacije, privatna preduzeća i poduzetnici

IV. POTREBNA DOKUMENTACIJA

Sredstva iz Javnog poziva dodjeljuju se na osnovu zahtjeva i obavezne dokumentacije. Svi dokumenti koji se predaju uz zahtjev kao osnovna dokumentacija moraju biti originali ili ovjerene kopije. Posebna dokumentacija mora biti pregledna, vjerodostojna i tehnički korektna. Nedokumentirane i neobrazložene prijave neće se razmatrati. Dokumenti koji se šalju na Javni poziv se ne vraćaju aplikantu.

Obavezna dokumentacija mora sadržavati:

U postupku prijave na javni poziv aplikanti su dostaviti sljedeću dokumentaciju za LOT 1 i LOT 2:

1. Uredno popunjen, potpisan i ovjeren Prijavni obrazac za dodjelu sredstava iz Budžeta Zeničko-dobojskog kantona u 2021. godini (sadržaj prijavnog obrasca se objavljuje zajedno s javnim pozivom na web stranici Zeničko-dobojskog kantona www.zdk.ba) **Obrazac I-1**;
2. Rješenje o registraciji organizacije ili izvod iz registra (ovjerena kopija);
3. Potvrda poslovne banke da podnositelj zahtjeva nema blokiran glavni transakcijski račun (potvrda o solventnosti) – ne starija od dana objavljivanja javnog poziva (original ili ovjerena kopija);
4. Uvjerjenje o izmirenim zakonskim obavezama po osnovu poreza i doprinosa zaključno sa danom raspisivanja javnog poziva (ili ne starije od dana objavljivanja javnog poziva) (original ili ovjerena kopija);
5. Dosadašnje reference od dana osnivanja do dana podnošenja prijave, odnosno iskustvo provođenju projekata i manifestacija;
6. Program/projekat koji sadrži sljedeće elemente:
 - 6.1. Naziv projekta (program, manifestacije, takmičenja);
 - 6.2. Podaci o organizatoru;
 - 6.3. Obrazloženje značaja (programa, manifestacije, takmičenja) za Zeničko-dobojski kanton;
 - 6.4. Mjesto i vrijeme održavanja;
 - 6.5. Sadržaj programa, manifestacije, takmičenja;
 - 6.6. Potrebna sredstva i način finansiranja;
 - 6.7. Obrazloženje utroška sredstava;
7. Uvjerjenje da se protiv podnosioca prijave, odnosno lica ovlaštenih za zastupanje, ne vodi krivični postupak i nije pravosnažno osuđen za prekršaj i/ili počinjenje krivičnog djela;

8. Ovjerenu izjavu ovlaštenog lica podnosioca zahtjeva prilog Prijavnog obrasca za dodjelu sredstava iz Budžeta Zeničko-dobojskog kantona sa razdjela 11 – Ured premijera, budžetska organizacija 01, potrošačka jedinica 0001, Budžeta Zeničko-dobojskog kantona za 2021. godinu, pozicija „Tekući transferi i drugi tekući rashodi“ u 2021. godini (preuzeti na www.zdk.ba) **Obrazac I-2**.

U postupku prijave na javni poziv aplikanti su dostaviti sljedeću dokumentaciju za LOT 3:

1. Uredno popunjen, potpisan i ovjeren Prijavni obrazac za dodjelu sredstava iz Budžeta Zeničko-dobojskog kantona u 2021. godini (sadržaj prijavnog obrasca se objavljuje zajedno s javnim pozivom na web stranici Zeničko-dobojskog kantona www.zdk.ba) **Obrazac II-1**;
2. Rješenje o registraciji ili izvod iz registra (original ili ovjerena kopija);
3. Identifikacioni broj (original ili ovjerena kopija);
4. Spesimen potpisa (original ili ovjerena kopija) (potvrda od Banke o ovlaštenim licima za raspolaganje sredstvima računa);
5. Potvrda poslovne banke da podnositelj zahtjeva nema blokiran glavni transakcijski račun (potvrda o solventnosti) – ne starija od dana objavljivanja javnog poziva (original ili ovjerena kopija);
6. Programski projekat (emisije ili ciklusa emisija, odnosno novinskih ili internet članaka) sa kojima se aplicira na javni poziv, sa kratkim opisom sadržaja, načina realizacije i utvrđenom dinamikom i planom emitovanja-štampanja sa obavezom objavljivanja i svih informacija putem dostavljenih saopštenja za medije koje dostavljaju Press službe Zeničko-dobojskog kantona;
7. Finansijski plan predloženog/ih programskog projekta/kata, sa specifikacijom troškova (izrada, emitovanje, objavljivanje, izdavanje) i visinom traženih sredstava;
8. Uvjerenje o izmirenim zakonskim obavezama po osnovu poreza i doprinosa zaključno sa danom raspisivanja javnog poziva (ili ne starije od dana objavljivanja javnog poziva) (original ili ovjerena kopija);
9. Izjavu o organizaciji rada medija, broju zaposlenih, području koje medij pokriva, tehničkoj opremljenosti, obimu i strukturi vlastite produkcije i redovnom tiražu na području Zeničko-dobojskog kantona (odnosi se na printane medije) i posjećenosti (odnosi se na web portale) potpisanu i ovjerenu od strane ovlaštenog lica podnosioca prijave;
10. Ovjerenu kopiju važeće dozvole RAK-a za emitovanje (za radio i televizijske stanice);
11. Uvjerenje da se protiv podnosioca prijave, odnosno lica ovlaštenih za zastupanje, ne vodi krivični postupak i nije pravosnažno osuđen za prekršaj i/ili počinjenje krivičnog djela;
12. Ovjerenu izjavu ovlaštenog lica podnosioca zahtjeva prilog Prijavnog obrasca za dodjelu sredstava iz Budžeta Zeničko-dobojskog kantona sa razdjela 11 – Ured premijera, budžetska organizacija 01, potrošačka jedinica 0001, Budžeta Zeničko-dobojskog kantona za 2021. godinu, pozicija „Tekući transferi i drugi tekući rashodi“ u 2021. godini (preuzeti na www.zdk.ba) **Obrazac II-2**.

V. OSNOVNI KRITERIJI ODABIRA

Kriterij za evaluaciju i izbor projekata će se za LOT 1 i 2 zasnivati na:

1. kvalitetu pripremljenosti predloženog projekta,
2. projektima i manifestacijama koje su od značaja za Zeničko-dobojski kanton te podržavani od strane Vlade Zeničko-dobojskog kantona i na taj način postali tradicionalni i prepoznatljivi za užu i širu društvenu zajednicu i
3. doprinos uspješnom prezentiranju i afirmaciji Zeničko-dobojskog kantona.

Uzimajući u obzir kvalitet predloženih projekata i broj prijavljenih kandidata za LOT 3 raspodjela sredstva će se vršiti na osnovu bodovanja prema vrsti medija na:

1. Radio i televizija (maksimalno 5 bodova)
2. Televizija (maksimalno 3 boda)
3. Radio (maksimalno 2 boda, razvrstavanje medija na osnovu broja stanovnika Zeničko-dobojskog kantona koje medij pokriva 1. kategorija 2 boda, 2. kategorija 1,5 bodova, 3. kategorija 1 bod)
4. Novinske agencije /servisi i medijske produkcije (maksimalno 1,5 bodova, razvrstavanje medija na novinske agencije/servise 1,5 bod i medijska produkcija 1 bod)
5. Novine (maksimalno 1,5 bodova, razvrstavanje medija na osnovu dostavljenih podataka o tiražu na području Zeničko-dobojskog kantona 1. kategorija 1,5 bodova, 2. kategorija 1 bod)
6. WEB portal (maksimalno 1 bod, dodatno razvrstavanje prema vrsti medija informativni WEB portal 1 bod, specijalizirani WEB portal 0,75 bodova).

VI. VREDNOVANJE PROJEKATA

Ocjenu da li su aplikanti koji su se prijavili na javni poziv ispunili tražene uslove kao i ocjenu predloženog programskog projekta izvršiti će Komisija u skladu sa Uputstvom o kriterijima i postupku dodjele sredstava neprofitnim organizacijama sa pozicije Ured premijera Zeničko-dobojskog kantona za LOT 1 i LOT 2 odnosno bodovanje za LOT 3 Uputstvom o kriterijima i postupku dodjele sredstava medijima sa pozicije Ured premijera Zeničko-dobojskog kantona koje donosi Ured premijera.

Komisija dostavlja ocjenu programskih projekata Uredu premijera koji izrađuje konačan Prijedlog Odluke o odobravanju raspodjele sredstava Vladi Zeničko – dobojskog kantona na donošenje.

U provođenju Odluke o odobravanju raspodjele sredstava Ured premijera zaključuje ugovor sa aplikantima za LOT 3 koji su izabrani na Javnom pozivu. U slučaju nepoštivanja odredbi ugovora mediji su dužni izvršiti povrat sredstava i ne mogu ostvariti pravo na prijavu na Javni poziv naredne godine. Dodijeljena sredstva se doznačavaju vodeći računa o dinamici punjenja Budžeta i ograničenjima u potrošnji budžetskih sredstava. Okvirni vremenski period realizacije projekata je od datuma odobrenja sredstava do 31.12.2021. godine.

VII. OPĆE ODREDBE

Prijave na javni poziv u zatvorenim neprovidnim kovertama sa potrebnom dokumentacijom, slati preporučeno putem pošte na adresu:

Ured premijera Zeničko-dobojskog kantona

Kučukovići br. 2, 72000 Zenica

sa naznakom

„Prijava na Javni poziv za dodjelu sredstava za realizaciju programa, projekata iz

Programa utroška finansijskih sredstava

sa razdjela Ured premijera

Budžeta Zeničko-dobojskog kantona za 2021. godinu,

pozicija „Tekući transferi i drugi tekući rashodi“

LOT (navesti na koji broj LOT-a se prijavljujete)

ili neposredno putem pisarnice Vlade Zeničko-dobojskog kantona na istoj adresi.

Javni oglas se objavljuje:

- na web stranici Vlade Zeničko-dobojskog kantona (www.zdk.ba) i
- dnevnim novinama

te ostaje otvoren sa rokom za podnošenje prijava **15 dana** od dana posljednjeg objavljivanja.

Nedokumentirane, neobrazložene i neblagovremene prijave neće se razmatrati.

Sve dodatne informacije vezano za Javni poziv mogu se dobiti svakim radnim danom putem email-a: uredpremier@zdk.ba.

Broj: 02-11-9623/21

Zenica, 07.07.2021. godine

